



UNIVERSITÄTS-
BIBLIOTHEK
PADERBORN

Universitätsbibliothek Paderborn

Fragstück Des Christlichen Glaubens/ an die neue Sectische Predigkandten

Hay, John

Freyburg in der Eydgnoschaft, 1587

VD16 H 844

Die 182. Frag.

urn:nbn:de:hbz:466:1-32773

habt einen andern nach des Fürsten Sinn vnd Meynung zube-
wären/vnnd gut heissen.

Die 181. Frag.

Was mangels hat sich befunden / wann ihr ein einträchtige
Vereinbarung habe anstellen wollen / daß jr euch nie habe
mit euwern widerspennigen Meynungen vergleichen köri-
men / vnd wann ihr schon ein Concordi habe getroffen / das ihr dan-
nocht kein einhellige Schlußred euwrer Articklen habe mögen
zuwegen bringen / sonder dieweyl ein jeder will recht haben / vnnd
keiner dem andern befohr gebe / gezwungen sindt / eines jedtwehern
Meynung zu gelten lassen. Vnd so jemandt der euwern solche Con-
cordi zuschneiden vnderstehet / in erst für einen Reher vnd Vnrub-
stifter verfolget. Wie dem Doctor Schmidle (vnschuldiger
weyß freylich) ist widerfahren.

Die 182. Frag.

Wie solt es aber möglich seyn / daß euwre Lehr gleiche be-
ständige Frucht fürbrächte / wie der Aposteln vor zenten /
so ihr doch am Fundament fählet / vnd bey fünff vnd sechs-
zig schädliche Irthum allein wider die zwölff Artickel des Christ-
lichen Glaubens / die vns die Apostel zu gutem hatten geben / auff
die Bahn habe gebracht / wie sie sampt den nachgehenden stucken
D. Eder erzehlet.

Die 183. Frag.

Sie bey verschiner zeyt auß den alten Secten nichts guts
entstungen / was solte dann jeh guts darauß erwachsen /
dieweyl ihr ob die hundere Artickel alter Secten widerumb
habe erweckt / mit Heiliger Schrift verblümet / vnd für die ware /
reine / stäte Lehr des Euangelij dem armen Volck fürgeben?

Die 184. Frag.

Christus hat der Juden Schül an das ende gebracht / jekt an
ber kommet ihr daher mit ein vnnd zwenzig Artickeln so ihr
von der Synagog auff Borg empfangen habe / der Mey-
nung /